

# Ҳадис дарслари (230-дарс) Набий соллаллоҳу алайҳи васаллам ҳар намозга таҳорат қилар эдилар

**Ҳадис**  
ДАРСЛАРИ

**230-ДАРС**

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 11.05.2023 1926

نَاكَ : لَأَقُ هُنَّ عُلَّ لَلَا يَضَرُّ سَنَانًا نَع  
مَلَسَوِ هِيَ لَعُ هَلَلَا يَلَّصُ يَبَّنَلَا  
تُلُقِ ةَالَصَلُّكَ دُنْعُ أُضَوَتَي  
لَأَقُ ؟ نُوَعْنُ صَتْمُتُنُكَ فَيَك  
ثِدْحِي مَلَامُ ءُضُؤَلَا أَنْ دَحْأُ زُجِي  
أَمَلُ سُمُّ أَلِ ةَسْمُ خُلَا هَاوَر

Анас розияллоҳу анҳудан ривоят қилинади:

«Набий соллаллоҳу алайҳи васаллам ҳар намозга таҳорат қилар эдилар», деди. Мен:

**«Сизлар қандай қиласизлар?» дедим. У:**

**«Биримизга, агар бузилмаган бўлса, бир таҳорат кифоя қилур», деди».**

*Бешовларидан фақат Муслим ривоят қилмаган.*

Ҳадисдаги «ҳар намозга» иборасида «ҳар фарз намозга» деган маъно кўзда тутилган.

«Сизлар қандай қиласизлар?» деб сўраган одам Амр ибн Омир раҳматуллоҳи алайҳи бўлганлар. «Сизлар»дан мурод саҳобалардир.

Баъзи шийъа ва зоҳирий тоифалар шу ҳадисни далил қилиб, «Ҳар намозга янги таҳорат қилиш вожиб», деганлар. Лекин шу ҳадиснинг иккинчи қисмида саҳобалар таҳорат синмаса, аввалги таҳорат билан кифояланганлари билиниб турибди. Бошқа ҳадисларда ҳам бир таҳорат билан бир неча намоз ўқиш мумкинлиги баён қилинган. Шунинг учун жумҳур уламолар «Ҳар намозга янги таҳорат қилиш вожиб», деган гапни қабул қилмаганлар. Ҳар намозга янги таҳорат қилиш фазийлат, нур устига нур ва қўшимча савобдир. Лекин фарзу вожиб эмас.

Ушбу ҳадисдан олинадиган фойдалар:

1. Ҳар намозга таҳорат қилиш фазийлат эканлиги.
2. Таҳорат синмаса, бир таҳорат билан кифояланиш жоизлиги.
3. Таҳорати йўқ одам намоз ўқимоқчи бўлса, таҳорат қилиши фарзлиги.

**«Ҳадис ва ҳаёт» китобининг 4-жузи асосида тайёрланди.**

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.